



БОСНА И ХЕРЦЕГОВИНА
Брчко дистрикт Босне и Херцеговине
ФОНД ЗДРАВСТВЕНОГ ОСИГУРАЊА
Управни одбор
BOSNA I HERCEGOVINA
Brčko district Bosne i Hercegovine
FOND ZDRAVSTVENOG OSIGURANJA
Upravni odbor/vijeće

Вука С. Карапића 4, 76100 Брчко дистрикт БиХ, тел. +387 49 211 102; 216 344, факс 216 115, ИБ 4600222830003:
Vuka S. Karadžića 4, 76100 Brčko distrik BiH, tel. +387 49 211 102; 216 344, faks 216 115, IB 4600222830003:
web: www.fzobrcko.ba, e-mail: fzobrcko1@teol.net,

Broj: 015-180/7-UO-29/17
Brčko, 27.03.2017. године

Upaljni odbor Fonda zdravstvenog osiguranja Brčko distrikta BiH na osnovu člana 2 stav (2) Odluke o utvrđivanju prava na lijekove sa Dodatne liste lijekova, broj: 015-180/7-UO-28/17 od 27.03.2017. godine, člana 13 stav (1) tačke a) i b) Statuta Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 17/07, 1/08, 3/15, 7/15 i 41/16), člana 20, 21 i 22 Zakona o zdravstvenom osiguranju Brčko distrikta BiH („Službeni glasnik Brčko distrikta BiH“, broj: 1/02, 7/02, 19/07, 2/08 i 34/08) i člana 27 i 29 Odluke o utvrđivanju osnovnog paketa zdravstvenih usluga iz obaveznog zdravstvenog osiguranja („Službeni glasnik Brčko distrikta BiH“, broj: 33/12), na 8. vanrednoj sjednici, održanoj dana 27.03.2017. godine, donosi

ОДЛУКУ

О УТВРДИВАЊУ КРИТЕРИЈУМА ЗА ОДОБРАВАЊЕ LIJEKOVA SA DODATNE LISTE LIJEKOVA

Član 1

- (1) Ovom odlukom utvrđuju se kriterijumi (oboljenja i dijagnoze) na osnovu kojih osigurana lica Fonda zdravstvenog osiguranja Brčko distrikta BiH (u daljem tekstu: Fond) ostvaruju pravo na snabdijevanje lijekovima sa Dodatne liste lijekova, na teret sredstava Fonda.
- (2) Lijekovi koji se nalaze na listi lijekova iz stava (1) ovog člana, propisuju osiguranim licima Fonda na teret sredstava Fonda u cijelokupnom iznosu za sljedeće dijagnoze:
- a) **Dg: B15 – B19:** Virusni hepatitis „B“ i „C“ (akutna i hronična zapaljenja jetre) – pacijenti kod kojih terapija pokazuje poboljšanje zdravstvenog stanja, što se dokumentuje nalazom infektologa, epidemiologa, gastroenterologa-hepatologa i gastroenterološkog konzilijuma,
 - b) **Dg: B20 – B34:** Sindrom stečenog deficit-a imunog sistema (izazvan “HIV“ virusom) – pacijenti kod kojih terapija pokazuje poboljšanje zdravstvenog stanja, sprječavanje širenja epidemije omogućavanjem adekvatnog liječenja, što se dokumentuje nalazom infektologa ili epidemiologa, a odnosi se na lijekove iz grupe antivirotika,
 - c) **Dg: C00 – C97:** Zločudni tumori (različitih primarnih i sekundarnih lokacija) –pacijenti kod kojih se terapija preporučuje kao nastavak hemoterapije, a odnosi se na grupu lijekova-citostatika ili na grupu opijatnih analgetika koji se primjenjuju u kupiranju bolova u terminalnim stadijumima bolesti, što se dokumentuje nalazom i prijedlogom jednog od onkoloških konzilijuma. Nutrini preparati se mogu propisati kod onkoloških pacijenata koji imaju ugrađen PEG kao jedini mogući način ishrane, što se dokumentuje nalazom nadležnog specijaliste ili onkološkog konzilijuma,
 - d) **Dg: D00 – D48:** Karcinomi “in situ“, dobroćudne novotvorine, tumori nesigurne i nepoznate etiologije – pacijenti kojima je terapija preporučena, što se dokumentuje nalazom hematologa, onkologa ili nalazom onkološkog konzilijuma,
 - e) **Dg: D65 – D69:** Poremećaji koagulacije, purpura i ostala hemoragijska stanja (primarna i stečena trombofilija) – pacijenti kojima je terapija preporučena kao preventiva komplikacija u trudnoći, što se dokumentuje nalazom hematologa i nalazom ginekologa, te pacijenti koji nemaju odgovor na tretman lijekom „Enoksaparin“ za oboljenja koja nisu vezana za period trudnoće, što se dokumentuje nalazom hematologa ili vaskularnog hirurga,

f) **Dg: E10 – E11, E15 – E16:** Diabetes mellitus (insulin zavisni pacijenti) i drugi poremećaji regulacije glukoze i unutrašnje sekrecije pankreasa – pacijenti sa „body mass“ indeksom (BMI) preko 30 u kombinaciji sa bazalnim inzulinom, a prethodno liječeni sa jednim ili dva oralna antidiabetika, što se dokumentuje nalazom endokrinologa ili interniste, pacijenti sa primarnom hiperinsulinemijском hipoglikemijom,

g) **Dg: E20 – E27:** Bolesti paratiroidne, pituitarne, hipofize i nadbubrežne žlijezde – pacijenti kojima je preporučena terapija jedini mogući način liječenja, što se dokumentuje nalazom nadležnog doktora specijaliste endokrinologa (pedijatra ili interniste), a u slučaju operativnog zahvata i otpusnom listom,

h) **Dg: E28 – E35:** Bolesti polnih žlijezda (pubertas praecox i dr.) i druge bolesti žlijezda – pacijenti sa poremećajem polnih hormona, što se dokumentuje nalazom pedijatra endokrinologa kojim se potvrđuje potreba za određenom terapijom,

i) **Dg: E70 – E90:** Poremećaji metabolizma (mineralnih materija, fenilketonurijska, cistična fibroza i dr.) – djeca kod koje je dijagnostikovana smetnja u rastu i razvoju (tumor hipofize hormonski zavisan, hromozomske aberacije i urođene malformacije, razni poremećaji koji dovode do nepravilnog rada žlijezda sa unutrašnjim lučenjem, recesivno nasljedna metabolopatija-fenilketonurijska kao i cistična fibroza), što se dokumentuje nalazom pedijatra endokrinologa, pedijatra gastroenterologa, neuropedijatra ili dermatologa,

j) **Dg: F20 – F29:** Šizofrenija (shizofrenija) – pacijenti kod kojih terapija pokazuje poboljšanje zdravstvenog stanja i funkcionalno poboljšanje, što se dokumentuje nalazom psihijatra,

k) **Dg: F90.0 – F90.9:** Razvojna disfazija sa hiperkinetičkim ponašanjem i poremećaj ekspresivnog govora (Dysphasia evolutionis expressive) – pacijenti uzrasta do 18 godina koji u razvojnom periodu imaju poremećaj govora i ponašanja, što se dokumentuje nalazima neuropedijatra, psihologa ili psihijatra,

l) **Dg: G20 – G41:** Bolesti nervnog sistema (parkinsonizam, multipla skleroza, epilepsija i dr.) – pacijenti kod kojih se javlja refraktarnost na druge antiepileptike ili su oboljeli od drugih neuroloških oboljenja, što se dokumentuje nalazom neuropedijatra, neurologa ili neurološkog konzilijuma,

m) **Dg: I20 – I25; I65 – I75:** Ishemijske bolesti srca, cerebrovaskularne bolesti, bolesti arterija i arteriola – pacijenti kojima je terapija preporučena nakon akutnog infarkta miokarda, kod operativnih zahvata krvnih sudova glave, vrata, aorte i krvnih sudova gornjih i donjih ekstremiteta, kao i stentiranja krvnih sudova, što se dokumentuje nalazom kardiologa, kardiohirurga, vaskularnog hirurga, neurohirurga i otpusnim pismom. Terapija se odobrava u trajanju od 6-12 mjeseci nakon urađene intervencije, a odnosi se samo na antitrombotična sredstva (antiagregacionu terapiju),

n) **Dg: K50 – 52, K74.3 – K74.6 i K90:** Neinfektivni enteritisi i kolitisi i ostale bolesti crijeva (Kronova bolest, ulcerozni kolitisi, ciroza žučnih puteva, neoznačena ciroza jetre i celijakija) – pacijenti kojima je preporučena terapija, što se dokumentuje nalazom gastroenterologa / hepatologa / infektologa i gastroenterološkog konzilijuma, a u svrhu smanjenja mogućih komplikacija ili poboljšanja zdravstvenog stanja kod navedenog oboljenja primjenom propisane terapije,

o) **Dg: M 05 – M 14:** Upalne poliartropatije – pacijenti kojima je preporučena terapija, što se dokumentuje nalazom pedijatra reumatologa ili imunologa, nalaza interniste reumatologa i reumatološkog konzilijuma, kod dokazanih poliartropatija u svrhu poboljšanja zdravstvenog stanja i prevencije mogućih komplikacija,

p) **Dg: M30 – M36:** Sistemski poremećaji vezivnog tkiva (obilna muskularna kalcinoza, fistuliranje kalcifikata kroz kožu) – pacijenti kod kojih je došlo do poremećaja u metabolizmu minerala sa manifestacijom na vezivnom i mišićnom tkivu, što se dokumentuje nalazom pedijatra reumatologa, nalazom reumatologa ili reumatološkog konzilijuma,

r) **Dg: N04 – N05:** Sindrom oboljenja bubrega (Syndroma nephroticum) – pacijenti kojima je preporučena terapija, u prilogu nalaz nefrologa (internista ili pedijatar),

s) **Dg: N17 – N19:** Akutna i hronična bubrežna insuficijencija (za dijalizirane pacijente) – pacijenti koji se nalaze na dijaliznom tretmanu, što se dokumentuje nalazom interniste ili nefrologa,

t) **Dg: T82 – T86:** Komplikacije srčanih implantata i transplantata, komplikacije urogenitalnih implantata i transplantata i komplikacije ostalih transplantata (sprječavanje odbacivanja organa nakon transplatacije) – pacijenti kojima je transplantiran jedan od organa i kod kojih može doći do komplikacije odbacivanja transplantata, a odnosi se na lijekove iz grupe imunosupresivnih

sredstava i antiglivičnih lijekova širokog spektra, što se dokumentuje otpusnom listom kao i nalazom nadležnog doktora specijaliste,

u) **Dg: Q80.0 – Q85.9:** Urođena ihtioza (Ichthyosis congenita), neurofibromatoza (Neurofibromatosis benigna) – pacijenti kod kojih je došlo do hromozomske aberacija na „X“ hromozomu što je uzrokovalo poremećaj procesa keratinizacije tj. deskvamacije retencionog tipa, što se dokumentuje nalazom pedijatra ili dermatologa. Kod pacijenata oboljelih od neurofibromatoze (otežano gutanje uslijed kompresivnog sindroma neurofibroma) sa ugrađenim PEG-om, što se dokumentuje nalazom nadležnog specijaliste neurologa ili neurohirurga,

v) **Dg : Q90 – Q96:** Hromozomske nenormalnosti (Sy. Turner, Sy. Down) – pacijenti kod kojih je došlo do hromozomske aberacija što je uzrokovalo poremećaj u psihofizičkom razvoju, što se dokumentuje nalazom neuropedijatra i psihijatra.

(3) Pravo na snabdijevanje lijekovima iz stava (1) ovog člana se ostvaruje po okončanju postupka javnih nabavki lijekova i zaključenju ugovora o nabavci sa izabranim dobavljačem, po cijenama iz ugovora.

Član 2

(1) Ova Odluka stupa na snagu danom donošenja i objavljuje se u „Službenom glasniku Brčko distrikta BiH“.

(2) Stupanjem na snagu ove odluke, stavlja se van snage Odluka o finansiranju lijekova sa Dodatne liste, broj: 015-180/8-40/15 od 20.04.2015. godine i broj: 015-180/8-40/15-1 od 22.10.2015. godine.

PREDSJEDNIK UPRAVNOG ODBORA

DOSTAVITI:

1. Direktor Fonda
2. Službeni glasnik Brčko distrikta BiH
3. Evidencija
4. Arhiva

Dr. med. sc. Zoran Tošić, s.r.